

# Alkitab Buat Bocah Nampilin

Anak Laki  
Nyeng  
Disayang Jadi  
Budak



Nyeng nulis: Edward Hughes

Nyeng bikin gambar: Byron Unger; Lazarus  
Alastair Paterson

Nyeng nyocokin: M. Kerr; Sarah S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.




Ishak girang. Anak lakinya Yakub ada di rumah. Esau nemuin abangnya nyeng niatnya mao dimatiin. Tapi anak anak Yakub kaga bahagia karena ada Yusuf, adenya nyeng paling kecil, sebab dia itu anak nyeng dimanja bapanya.



Abangnya Yusuf makin marah pas ia nyeritain ngimpinya. "Iketan kumpulan gandumku makin tinggi dan abang-abangku bakal tunduk ngehormatin aku" bilang Yusuf. Ngimpi ini artinya kalo nanti


Yusuf jadi orang penting ngelebihin abang-abangnya.



Pada ngimpi keduanya Yusuf, mentari, bulan ama bintang takluk padanya. Yakub juga marah bangat sama dia, karena ngeremehin orangtuanya sama abang-abangnya.



Satu ari Yakub ngirim Yusuf ke padang rumput sedang abang-abangnya lagi ngangon piaraannya. Abang-abangnya ngeliat Yusuf dateng. "Nyok kita matiin aja nsi tukang ngimpi ini" mereka pada bebisik. Yusuf kaga engeh bahaya nyeng bakal diadepinnya.



Ruben, abang paling tua kaga setuju. "Kita jangan tumpahin darah" bilangnya. "Liat ada lobang. Biarin ia mati disono!" Ruben punya niat nyelametin Yusuf malem arinya.




Pas

Yusuf sampe,  
abang-abangnya  
nangkep dia dan  
nyopotin jubahnya  
kelir nyeng  
khusus dibikin  
Yakub buat anak  
ogoannya. Lantas  
ngelemparin dia  
ke dalem lobang.




Pas Ruben kaga ada, rombongan tukang dagang nunggang onta lewat deket mereka dalem perjalanan ke Mesir. "Nyok kita jual Yusuf" tereak Judah, abangnya. Harga disepakatin.



Yusuf dijual dua puluh keping perak.



Nangis ama takut, Yusuf kaga bedaya pas onta  
ngebawanya pegih dari keluarga ama tanah aernya.





"Apa iya ini jubah Yusuf? Penuh ama darah. Kami temuin di padang pasir." Abangp-abangnya nyeng jahat ngeyakinin Yakub kalo binatang buas udah matiin anak ogoannya. Yakub ngerobek jubahnya dan besedih ati. Kaga ada nyeng bisa bikin dia seneng.



Di Mesir, Yusuf pasti ketakutan ama kesepian. Bisa jadi kangen sama rumahnya. Tapi ia kaga bisa kabur. Ia jadi budak di rumah Potifar, orang penting di Mesir. Potifar meratiin Yusuf itu kerja keras ama bisa dipercaya.



Satu ari Potifar bilang sama Yusuf "Apa nyeng kamu kerjain selalu baik hasilnya." Allah ada sama kamu. Aku pengen kamu jadi pimpinan pembantuku, tanggungjawab buat semua pekerjaan ama semua pimpinan dari seluruh pembantu nyeng laen.



Allah ngasih Potifar hasil ladang nyeng bagus dan banyak berkat Yusuf.

Sekarang ia jadi orang penting. Yusuf masih percaya dan ngelayanin Allah dengan setia. Tapi kesusahan dateng juga ke Yusuf.



Bininya Potifar itu perempuan nyeng jahat. Ia minta Yusuf buat ngambil kedudukan lakinya. Yusuf nolak. Ia kaga pengen bedosa nyalahin Tuhan dengan bikin salah sama Potifar.




Waktu perempuan itu usaha maksa, ia lari. Tapi perempuan itu ngebetot jubah dan nahan dia.



"Budakmu nyerang aku" bini Potifar ngeluh. "Liat ini jubahnya!" Potifar marah bangat. Bisa jadi ia tau bininya boong. Tapi ia kudu bikin sesuatu. Apa nyeng bakal dia kerjain.





Potifar ngejeblosin Yusuf ke dalem bui. Meski ia kaga salah. Yusuf kaga kecewa atau juga marah. Bisa jadi ia blajar dari kesusahan ini kalo dimana aja kalo ia ngehormatin Allah, Allah bakalan ngeberkatin dia meski dalem bui.



Anak Laki Nyeng Disayang Jadi Budak

Sebuah cerita dari perkataannya Tuhan, Alkitab

Ditemuin di

Kejadian 37, Kejadian 39

"Palang pintu Firman Engkau ngasih terang."  
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

